

Ya'á tse'e je nák juu' ve'e je Santiago jyaay

¹ Atse'e je Santiago, je Nte'yam jets je Maja Vintsán Jesucristo je myutoompa je myupajkpa. Máyam ątse'e je Dios ntuknukextu vannumakmejtsk viijn je Israel ja chaan je kyoó juu' ve'e tsuunidup ka to'k viijnap yaja naxviijn.

Je vijin je kejon juu' ve'e je Nte'yam yajkyp

² Utsta ajchta utsta tsaq'ada, xoondükta ku ve'e xyaknaxta oyjuu' tsaachpaatuna. ³ Mnuya'vidup xa ve'e ku ve'e xmuténada je tsaachpaatun je'e kajx ku ve'e je Jesucristo xjaanchjávada, ve'em tse'e xjajt'ataq'atstat vintso ve'e juu xmuténadat. ⁴ Muténada oy ja tsaachpaatun juu' ve'e myaknajxtup pān joma vaate'e kyukäxa, ve'em tse'e makk m'ijttinit to'k muk je Jesucristo maqt, ka'a tse'e ti mka'ijtuxjadat.

⁵ Pān jem xa ve'e nuto'k miitsta juu' ve'e ka'ijtuxjup je vijin je kejun, amótuvüts je Nte'yam jetse'e myo'oju, ax mo'ojupts je'e ve'e, kux tyoojnijip je'e ve'e je maa'yun anañujoma, ka'a tse'e duko'oyjáva ku ve'e je jayu juu y'amótuxju. ⁶ Ax vinkopkts je'e ve'e jetse'e dujaanchjávat jets tyónup je'e ve'e je Nte'yam juu' ve'e y'amótup, ka'a tse'e myejtsvinmáyut. Kux je'e juu' ve'e mejtsvinmaayp, ve'emts je'e ve'e ax jo'n je maaxy naaj juu' ve'e je poj yakpe'tsmiijnjup yakpe'tsxajpjup. ⁷ Pān pān xa ve'e mejtsvinmaayp, ka'a tse'e vyinmáyut jets

mo'ojup je'e ve'e je Nte'yam juu ve'e y'amótup,
⁸ vinmamyiimp vinmaxyajppts je'e ve'e jetse'e
 to'k aaj to'k joöt juu' dukatún.

⁹ Je uts je ajch ukpu je uts je tsaq juu' ve'e
 ayoovdup, va'ants je'e ve'e duxqondukta kux
 nymájidup je'e ve'e jaja je Nte'yam vyinkujk.
¹⁰ Jets je uts je ajch ukpu je uts je tsaq juu' ve'e
 kumeen, va'an tse'e duxqondukta kux ka ja my-
 een kajxape'e je Nte'yam yakmájajada. Najxp xa
 ve'e yam ya it ku ve'e je jayu kyumeenada; ve'em
 xa je'e ve'e ja kumeen jayu ax jo'n je yukjootmit
 puj, ka'a tse'e jyek. ¹¹ Ku ve'e je pi'k ojts aajy jetse'e
 je pyuj vyinka'avaatsni, ka'a tse'e y'uktsójini. Nay
 ve'empa tse'e je kummen jayu vyintókida ku ve'e
 nuyojk jyaa'knaajkkumeenava'anjada.

*Ka'a ve'e pən pəne'e je Nte'yam
 yaktokintonuvaampy*

¹² Xoondup xa je'e ve'eda pən pən jatye'e oy
 dumuténidup je tsaachpaatun, kux ku xa ve'e
 oy dkuyaknaxta, jyayejptinupts je'e ve'e ja
 joojntykin juu ve'e xə'ma kajx ijtp, juu' ve'e je
 Nte'yam tyukvinva'nidup je'eda pən pən jatye'e
 tsojkjūdup. ¹³ Ku xa ve'e je jayu tyokintonuva'añ,
 ni pana tse'e kyava'anuť jets je Nte'yame'e
 yaktokintonuvaajnjup, kux ka'a xa ve'e pən
 y'o'yixju jetse'e je Nte'yam duvinma'yunmo'ot
 jetse'e dutsókut juu ve'e ka óyap, jets ka'ava
 ve'e pən pəne'e ja Nte'yam je vinma'yun
 moojyjup jetse'e tyokintónuť. ¹⁴ Juu' ve'e je jayu
 yaktokintonuvaajnjup, je'ets je'e ve'e ku ve'e je
 jayu je y'avintso vinma'yun vyijenkvávju jetse'e
 tyokintónuť. ¹⁵ Ax ku tse'e je jayu vyijenkvávju

jetse'e tyokintónut, van'it tse'e je jayu tyokintún; jets ku ve'e je jayu kyatökinton'atüva, je'yapts je'e ve'e je xaaj jetse'e je tyokin yaktukkuvajtnit xa'ma kajx, ka'ats je'e ve'e je Nte'yam maqt y'ítut.

¹⁶ Utsta ajchta utsta tsä'ada, juu' atse'e ooy ntuntsojktup, ka'a tse'e mnamyaso'okjadat jetse'e pan mvin'aq'njadat. ¹⁷ Nujom juu' ve'e oy jets va'ajts, kajxm tsots je'e ve'e je maa'yun chäa'n, je Nte'yamts je'e ve'e duyajkp, je'e pane'e dupaam n0ujom juu' jatye'e ajajp ata'kxp jem tsajpootm. Ka'a tse'e je Nte'yam tyíkuts, jyajtykutyuump je'e ve'e juu' jatye'e kyajtsp. ¹⁸ Kux ve'eme'e dütsek, je'e kajx tse'e je Nte'yam je nam joojntykin xmo'yumdi ja ayook kajx juu' ve'e tyúvam. Ve'em tse'e dutuujn jetse'e n'ijtumdinit ax jo'n juu' ve'e ta'mitoo'vajkp jetse'e je Nte'yam yaktukmuyax, uu'mda, juu' ve'e too'vajkp dujaanchja'vidu je Jesucristo.

Je'e pane'e duvinja'vip duvintsä'kip je Nte'yam ax jo'n dupaa'ty du'akeegaa

¹⁹ Utsta ajchta utsta tsä'ada juu' atse'e ooy ntuntsojktup, yakvinkópkada yu'u: Käts'amotunaxta pän pän jatye'e mtuk'íxjüdup je Nte'yam je y'ayook, ka'a tse'e jatyji juu' xkótstat, je'e ve'e too'vajkp oy mpayo'oydap juu' ve'e mkotsuvaandup. Ka'a tse'e jatyji mjötma'attat, ²⁰ kux ku xa ve'e je jayu jyotma'aty, ka'ats je'e ve'e dütün juu' ve'e je Nte'yam chajkp. ²¹ Ja'a kajx tse'e, ka'a tse'e x'uktoondinit juu' ve'e kyapaatyp kyah'akeeguip, je kyo'oy je'e juu' ve'e ooy tun'ijtp yaja naxvijjn. Nuu'k aaj nuu'k joote'e xkuváktat je ayook juu' ve'e je Nte'yam pyaam jem mjä'vin

kajxmda jets juu' kajxe'e m'o'yuixjada jetse'e xjayejptinit je joojntykin ju' ve'e xa'ma kajx ijtp.

²² Tonda vintso^o ve'e vyā'añ je Nte'yam je y'ayook, ka'a tse'e mnavyin'aa'njadat, ka'a tse'e mvinmáydat jets nvaatani je'e ve'e ku ve'e x'amotunaxta jetse'e xkakutyonda. ²³ Je'e sxa ve'e juu' ve'e du'amotunajxp je Nte'yam je y'ayook jetse'e dukakutyún, ve'emts je'e ve'e ax jo'n to'k je jayu juu' ve'e je vyi9ijn je y'aaj dukak'íxip jep ixun jaatp, ²⁴ y'ixpts je'e ve'e vintso^o ve'e y'íxuva. Ku tse'e duvinva'kva'ach je ixun, van'it tse'e dujaat'yoiki vintse ve'e y'íxuva. ²⁵ Ax je'e juu' ve'e oy dupayo'yp vintso^o ve'e je Nte'yam to'k aaj to'k joot dumutún dumupuk, jetse'e dukakutyún, o'yixjupts je'e ve'e jetse'e kyo'ktokintoonnit. Pan tyuumpts je'e ve'e ve'em jetse'e dukajaa'tyóki juu' ve'e tudu'amotunaxy, kunoo'kxjupts je'e ve'e je Nte'yam.

²⁶ Pan pan xa ve'e dunasja'vip jets vyinja'vip vyintsaq'kip je'e ve'e je Nte'yam jetse'e oyvintgsova juu' dukats, viinm tse'e ñavyin'uu'ju, ka'a tse'e tyo'nuxju vintso^o ve'e dunasjava jetsz je Nte'yame'e yakvinja'vip yakvintsa'kip. ²⁷ Je'e pane'e oy duvinja'vip duvintsa'kip je Nte'yam, je Dios Tee', ve'em ax jo'n dupaa'ty du'akeega, je'e tse'e duku'ixp je ku'aa'k ónu^ok jets je ku'aa'k ta'axtajk juu' ve'e tsaachpaattup, ka'ats je'e ve'e dumaaatnavyaa'njada je naxvijjin je kyo'oy je'e.

2

Ka'a tse'e je jayu nviijn k'íxumut

¹ Utsta ajchta utsta tsə'ada, mjaanchja'vidupe'e je nMaja Vintsánamda Jesucristo, juu' ve'e je majin ooy dütunjayejpp. Ni vin'ita xa ve'e je jayu xkavijink'ixtat. ² Va'an tse'e dütijumda jets je'ydupe'e numejtsk je jayu joma ve'e mnay'amókajada, to'k tse'e pāne'e kumeen jets oro kākujánax jetsz oy vítax, jets jado'k pāne'e ayoova jayu jets tum tókani je pyi'k vit. ³ Ax pān mvintsa'kidup tse'e je'e juu' ve'e oy vítax jetse'e xnāqajmadat: "Tsāana yaja oy tsūujntkun kujx", jetse'e xnāqajmada je ayoova jayu: "Jeejyji tēna", ukpu "Tsāana yaja naxkujx joma ve'e ats ya ntūujntkun", ⁴ pān jidu'um tse'e xnāqajmada, mvijink'ixtup tse'e jetse'e je ko'oy vinma'yūn xyaktonda, mvinkoondup tse'e je jayu juu' ve'e mvintsa'kidup.

⁵ Utsta ajchta utsta tsə'ada, juu' atse'e ooy ntuntsojktup, amotunaxta. Je jayu juu' ve'e yaja naxvijin yaktijtup ayoova jáyuda, je Nte'yamts je'e ve'e vinkoojnjuđu jetse'e ooy tyunjaanchjávajadat jetse'e y'ijttinit jem y'am kya'm, jam joma ve'e y'ijttinit pān pān jatye'e je Nte'yam dütsojktup. ⁶ Ax miilsta, mvijink'ixtupts miitse'e je ayoova jayu jetse'e xyakmájada je kumeen jayu. Je kumeen jayu xa ve'e mnupajkvaatsjuđup jetse'e mnuxā'aajada jeja je tōkin payo'yva vyinkujk, ¿ve'em xaja? ⁷ Je'e tse'e dūvinkojtspejttup je Cristo, juu' ve'e myaaxuxjuđu jetse'e m'ijttinit je'e je jyayu.

⁸ Jidu'um xa ve'e je Maja Vintsán je jayu dupava'añ, ve'em ax jo'n vya'añ jep Kunuu'kx Jatyán kujxp: "Tsokta je mmujantamda

je mmuatktamda ve'em ax jo'n viinm mnachókjada.” Jidu'um tse'e dupavaajñ. Pān mkutyoondup tse'e, oy tse'e xtonda. ⁹ Ax pūn mviijnk'íxtup tse'e je jayu, tōkints je'e ve'e juu' ve'e mtoondup jets je pava'nūn kajxe'e oy yak'ix jets ka'a ve'e xkutyonda je pava'nūn. ¹⁰ Kux pān jēm xa ve'e je jayu juu' ve'e dūkutoomp je pava'nūn, tun to'k viijnji tse'e je pava'nūn dūkakutyún, ax taamp tse'e jep tokin jaatp, ve'em ax jo'n ni to'ka kūdūkakutuuujn jo'n. ¹¹ Kux je'e pāne'e vaamp: “Ka'a tse'e xyakovintsā'kintókidat je navyajkun”, je'e tse'e vaampap: “Ka'a tse'e myakjayu'oo'ktat.” Oyame'e xkayakovintsā'kintókida je navyajkun, pān myakjayu'oo'ktup tse'e, ka'a tse'e xkutyonda je pava'nūn. ¹² Tonda jets kotsta juu' ve'e oy, juu' ve'e pyaatyp y'akeeguip. Mnuja'vidup tse'e jetsz yaktokimpayo'yumdape'e je'e kajx ku ve'e nkayakjatumda jetse'e je Nte'yam xputajkimdat jetse'e nkoo'ktokinto'numdinit. ¹³ Kux ka'a xa ve'e je Nte'yam je jayu dūtukmo'otut pān pāne'e ja myujayu dūkatukmo'tp; je'e ve'e pān pāne'e je tukmo'tun dujayejpp.

Ku ve'e juu' yakjaanchjáva jetse'e juu' yaktún

¹⁴ Utsta ajchta utsta tsa'ada, ḷvintsoj je'e ve'e tyun ku ve'e je jayu vya'añ: “Njaanchja'vip ətse'e je Nte'yam”, pān ka'a ve'e dūtún ax jo'n je Nte'yam dutsak? Ka'a xa je'e ve'e y'o'yixjut jetse'e dujayéput je joojntykin juu ve'e xā'ma kajx ijtp ku ve'e vya'añ jets jyaanchja'vipe'e, jetse'e dūkatún ax jo'n je Nte'yam dūtsak jo'n, ḷve'em xaja? ¹⁵ Va'an tse'e dūtijumda jets jēme'e nūto'k je uts je ajch ukpu je uts je tsa'ā juu' ve'e je vit

je4 xox ukpu ke kaaky je naaj ka'ijtuxjup. ¹⁶ Pañ ka'a tse'e xmo'oda je vit je xox jets je kaaky je naaj juu' ve'e ka'ijtuxjup, ¿ti tse'e oy mtoondup pañ mnuyujmidup: "Je Nte'yam tse'e mkunoo'kxjup, jokx tse'e mnaajk'ítjut jetse'e oy mkaayvat"? ¹⁷ Ax ve'em tse'e, ka'ats je'e ve'e tyun ku ve'e je jayu vya'añ jets jyaanchja'vipe'e je Nte'yam jetse'e dukatún ax jo'n je Nte'yam vya'añ.

¹⁸ Nunjajtp xa ve'e ku ve'e nuto'k vya'anut: "To'k xa ve'e pñane'e je Nte'yam dujaanchja'vip, jado'k tse'e pane'e dñotoomp je y'oy je'e." Jidu'umts atse'e n'atsav: Yaknuke'xnatákats n'it jetws mjaanchja'vipe'e je Nte'yam ku ve'e xkatún juu' ve'e chajkp, ax nyaknuke'xnatajkipts atse'e jets njaanchja'vip atse'e je Nte'yam je'e kajx ku atse'e ntun juu' je'e ve'e chajkp. ¹⁹ Mjaanchja'vipts mitse'e jets jeja ve'e to'kji je Nte'yam. Oyts je'e ve'e ku ve'e xjaanchjáva. Ax ka je'e kajxyap tse'e ja Nte'yam je jayu dukatokimpum. Jyaanchja'viduvap tse'e je ko'oyjáyuvapta jets jeja ve'e to'kji je Nte'yam, je tsq'aga kajx tse'e myívupta. ²⁰ Mits, jayu juu' ve'e ve'em vinmaayp, ka'a xa ve'e oy xpayo'oy. Je'e ve'e mtsajkp jets qts mitse'e ntuk'íxut jets ka'a je'e ve'e tyun ku ve'e je jayu vya'añ jets jyaanchja'vipe'e je Nte'yam ku ve'e dukatún juu' ve'e je Nte'yam chajkp? ²¹ Je Nte'yam tse'e dukatokimpam je njupit jáyuvamda Abraham je'e kajx juu' ve'e tyoon, je'e ve'e ku ve'e je y'ónuk dupuyujm jem yojxpejtun kajxm jetse'e je Nte'yam du'uktukvintsa'agavaajñ. ²² ¿Kaä ve'e xvinmotu jets juu' ve'e tyoon, je'e tse'e duyakpook juu' ve'e jyaanchja'vi? Juu' ve'e je Abraham tyoon, je'e

tse'e du�aknuke'xnatajki jets jyaanchja'vi ve'e je Nte'yam. ²³ Ax ve'em tse'e tyoojnji je Kunuu'kx Jatyán juu' ve'e vaamp: "Jyaanchja'vi ve'e je Abraham je Nte'yam. Ax je jyaanchja'vin kajx tse'e je Nte'yam kyatokimpaaejmji." Vaampap xa ve'e je Nte'yam: "Nmäqtnaya'a'vijup ątse'e je Abraham." ²⁴ Ax ve'em tse'e, yaknuja'vip xa ve'e jets je Nte'yame'e je jayu dükatokimpaaamp je'e kajx juu' ve'e je jayu tyuump, ka je'e kajxjyape'e ku ve'e vya'añ jets jyaanchja'vipe'e.

²⁵ Nay ve'em tse'e jyajtpa maat je ko'otya'axap Rahab. Ka'a tse'e je Nte'yam tyokimpaaejmji ja'a kajx juu' ve'e tyoon. Je Rahab tse'e oy dükuvajk je jayu juu' ve'e du'ixtu je it jetse'e duputajki jetse'e ñajkxtat ku ve'e je viijnk too' dupajktini. ²⁶ Ve'em ax jo'n je jayu je ñi'kx je kyopk kyatún ku ve'e je jya'vin tyukva'achju, ve'em tse'e kyatoompa ku ve'e je jayu vya'anda jets jyaanchja'vidupe'e je Nte'yam jetse'e dükatonda ax jo'n je Nte'yam dutsák.

3

¹ Utsta ajchta, ka'a xa miitse'e to'k ka'ajyji mnapyámjadat juu' ve'e je jayu dütukl'íxtup je Nte'yam je y'ayook jeja je numay jayu vyinkujk. Mnuja'vidup xa ve'e jets nüvinxup üyü'me'e nyak'lxpajkumda, nuyojk makk tse'e je Nte'yam xtokimpayo'yumdat jets ka'a ve'e je'e juu' ve'e kayak'ixpajktup. ² Anañujoma xa ve'e ntontókimda nkoytstókimda. Je jayu juu' ve'e ni vin'ita kakajtstókip, oy jets va'ajsts je'e ve'e je jayu, o'yixjupts je'e ve'e jetse'e ñaajkkutojku. ³ Mpaajmjimdup xa ve'e je jaach

je y'ajén jep y'ávup jetse'e xkatspajkumdat, x'o'yixumjudup tse'e jetse'e xyakja'mdat pun joma ve'e ntsojkumda. ⁴ Nay ve'empa je barco, óyam je'e ve'e maj jetse'e je makk poj tyl'itsju, o'yixjupts je'e ve'e juu' ve'e yakyo'yjup jetse'e duyaknajkxut pun joma tso ve'e dutsak je pi'k kupukajxji juu' ve'e yaktijp timón. ⁵ Nay ve'empa tse'e jyajtpa maat je toots, jyapi'ka tse'e, májum tse'e je kats duyakvimpit. Ve'em ax jo'n jem yukjootm, maja aa'k, jetse'e jyatunyuu'nama je pi'k jaajn myachjou, jetse'e jompaatji tyoya. ⁶ Ax je toots, ve'ems tsje'e ve'e ax jo'n je pi'k jaajn juu' ve'e o'yixjup jetse'e myajivimpítut. ¹¹Ooy xa ve'e kyatun'oya juu' ve'e yajéjip ja toots kajx. Je toots kajx tse'e nujom je jayu duyaktáñ jap tokin jaatp. Ve'em xa ve'e je toots ax jo'n kuyakna'k je jaajn joma ve'e je jayu xa'ma kajx chaachpaattinit jetse'e ja jayu duyakvintoki.

⁷ O'yixjupts je'e ve'e je jayu jetse'e duyakyójut oyjuu' tanuk, je yukjootmit tanuk, je jeyyva tanuk, je tsaa'n, jets je natanuk. Ax ta tse'e duyakyuj. ⁸ Ax ni pana tse'e kya'o'yuixju jetse'e je toots duyakyójut, ni pana tse'e je toots dukayakkutujkja. iQoys je'e ve'e kyatun'oya! Ve'em xa je'e ve'e ax jo'n ja tsaa'n je xyavat. ⁹ Ja toots xa ve'e ntuk'oñukojtsimdu je nMaja Vintsánamda, je Dios Tee', je toots tseentukko'oñukojtsimdu je nmujáyuvamda, juu' ve'e je Nte'yam pyaqam ku ve'e ñay'apamnajxji. ¹⁰ Jep xa ve'e je jayu y'ávup pyítsum je ayook juu' ve'e je Nte'yam du'oñukojtsip, nay jépjyam tse'e y"ávup pyítsum ja ayook juu' ve'e je Nte'yam pyaqam ku

ve'e ñay'apamnajxji. ¹¹ Ka'a xa ve'e nvaat joma ve'e myu'ut je tsek naaj jetse'e myo'tkojpat je ta'muts naaj, ¿ve'em xaja? ¹² Ni ka'a tse'e nvaatpa jetse'e to'k je higo kip duyakta'mat je olivos taajm, kaq tse'e nvaatpa jetse'e je tsaaydum aa'ts duyakta'mat je higo taajm, ¿ve'em xaja? Nay ka'a tse'e y'o'yiva to'k je mo'ot joma ve'e pyuítsum je ta'muts naaj jetse'e jeejyam pyitsumkojpat je tsek naaj.

Jje vijin je kejun juu' ve'e je Nte'yam yajkyp

¹³ Pan jem xa ve'e je jayu juu' ve'e viji kej jetse'e oy juu' jaty duvinmotu, va'an tse'e duyaknuke'xnatáka jets ve'em je'e ve'e ku ve'e jyoojntykat ax jo'n dupaa'ty du'akeega, ku ve'e je y'oy je'e dutónut je nuu'k aaj je nuu'k joot maat jets je vijin je kejun maat. ¹⁴ Ax pan je m'avintso vinma'yun myaktonuvaajndup jets pan mtsojktupe'e jetse'e je jayu dutóndat ax jo'n mva'anda, ka'a tse'e mnamyajajadat jetse'e mva'andat jets ka'a je'e ve'e vye'ema. ¹⁵ Ku ve'e je jayu ve'em je ko'oy vinma'yun dujayep, ka'a tse'e dujayep je vijin je kejun juu' ve'e je Nte'yam yajkyp; ja ko'oyjáyuvapts je'e ve'e je vinma'yun duyakjéjip, ve'emts je'e ve'e je vinma'yun juu' ve'e jyayejptup pan pan jaty'e'e dumaqatnavyaa'njudup je naxviijin je kyo'oy je'e. ¹⁶ Kux joma xa ve'e je jayu duyaktonda je y'avintso vinma'yunda jetse'e y'ekjada ku ve'e je viijnk jayu y'óyada, nay jámjyam tse'e je jayu oyvintsova jyátukada jetse'e dutonda nujom juu' jaty'e ka óyap. ¹⁷ Ax ku tse'e je jayu dujayep je vijin je kejun juu' ve'e je Nte'yam yajkyp, too'vakpts je'e ve'e je

va'ajts aaj je va'ajts joöt dujayep, chajkpts je'e ve'e jetse'e je oy joöt dujayejpniit maaat anañujoma je jayu, ka'a tse'e je y'avintso vinm'ayunji dupum, napyaqajmjup tse'e jep kutojkun pa'tkup, ooy tse'e je jayu dütuntukma'at, tum oysts je'e ve'e juu' ve'e tyuump kyajtsp. ¹⁸ Je'eda juu' ve'e du'ixtidup vintso ve'e je jayu chuunidinit oy aaj oy joöt, je'e kajx tse'e je numay jayu jyoojntykada ax jo'n je Nte'yam dutsak.

4

Ku je jayu dumaaqatnavyuu'nju je naxviijin je kyo'oy je'e

¹ ¿Tis je'e ve'e juu' ve'e duyakjéjip je tso'oxpajkun jets je kojtsvintso'vun juu' ve'e mjayejptup? Je m'avintso vinma'yun xa je'e ve'e. Mts'o'oxpajktupe'e je y'oy je'e kux'e'e xyaktonda je m'avintso vinma'yunda, ¿ve'em xaja? ² Mtsojktupe'e jetse'e juu' xjayéptat, ax ka'a tse'e m'o'yixjada jetse'e xjayéptat, je'e kajx tse'e myakjayu'oq'kuva'anda. Mtsojktuvap tse'e jetse'e xjayéptat juu' ve'e je viijnk jayu jyayejptup, ax ka'a tse'e m'o'yixjada jetse'e xjayéptat, je'e kajx tse'e mnakyojktsvintsóvjada. Ka'a tse'e xjayepa juu' ve'e mtsojktup, kux ka'a ve'e je Nte'yam x'amótuda. ³ Ax ku tse'e je Nte'yam x'amótuda, ka'a tse'e myakmo'oda kux ka'a ve'e oy joöt x'amótuda; m'amótudup xa ve'e juu' jetse'e xyaktóndat je m'avintso vinma'yunda. ⁴ ¡Miitsta, jáyuda juu' ve'e je Nte'yam dumasoóktup, mnuja'vidup xa ve'e jets pañ pane'e dumaaqatnavyaa'njup je naxviijin je kyo'oy

je'ę, ka'ats je'ę ve'e dumaatnayjávaja je Nte'yam! Pan pən xa ve'e dumaqatnavyaa'njup je naxviijinjt je kyo'oy je'ę, cho'oxpujkpts je'ę ve'e je Nte'yam.

⁵ Ka'a xa ve'e nunkoojyji je Kunuu'kx Jatyán vya'añ: "Je Espíritu Santo, juu' ve'e je Nte'yam pyaqam yam nja'vin kajxmamda, ooysts je'ę ve'e duutuntsak jetse'e pən viijnk nkatsojkumdat ax jo'n je Nte'yam." Jidu'um tse'e vya'añ. ⁶ Ax ka vanxúpjyap tse'e, ooye'e je Nte'yam je maa'yun xtuntoojnijimda jetse'e xputajkimda. Ve'em xa je'ę ve'e duutún ax jo'n je Kunuu'kx Jatyán vyaampa: "Cho'oxpujkp xa ve'e je Nte'yam pən pan jatye'e namyajijidup; ax tyoojnijp tse'e je jayu je maa'yun juu' ve'e je nuu'k aaj je nuu'k joöt dujayejptup." Jidu'um tse'e vya'añ. ⁷ Ax ve'em tse'e, napyámjada jem je Nte'yam y'am kya'm. Ka'a tse'e mnamyaso'okjadat jetse'e xtóndat xkótstat juu' ve'e je ko'oyjáyuvap chajkp. Ku ve'e ve'ém xtóndat ax jo'n atse'e nva'añ jo'n, mkuke'ekjadap tse'e je ko'oyjáyuvap. ⁸ Mutámada je Nte'yam, jets je'ę ve'e mmutámijiduvat. Tokin toompada, masoqktini je mko'oy joojntykinda. Pan pən jatye'e dumaqatnavyaa'nnuvaajnjudup je Nte'yam jetse'e nay je'ejyji duotonuvaampa je naxviijinjt je kyo'oy je'ę, naajkva'atsjada. ⁹ Ya'axta je tsaachvinma'yuuñ maat je ka óyap kajx juu' ve'e mtoondup. Mxiiktup xa ve'e uxyam, ñojk'óy tse'e kumya'axta; mxoojntktup tse'e uxyam, ñojk'óy tse'e kumtsaachvinmáyda. ¹⁰ Naajkpi'kajada naajkmootskajada jeja je Nte'yam vyinkujk, van'it tse'e myakmájajadat.

Ka'a tse'e nnatyokimpayo'yumjadat to'kjado'k

11 Utsta ajchta utsta tsə'äda, ka'a tse'e to'k jado'k mnapyakótsjadat, vimpit atuj ve'e mnachókjadat, ve'em ax jo'n je Nte'yam je pyava'nun vya'añ. Pan pan xa ve'e je y'uts je y'ajch ukpu je y'uts je cha'a duko'oñkojtsip ukpu dutokimpayo'yp, ve'ems je'e ve'e ax jo'n to'k juu' ve'e vaamp jets ka'a ve'e je Nte'yam je pyava'nun tyun. Ax mits, jyapana mitse'e, pan mtuumpts mitse'e ve'em, ka'ats mitse'e xkutyún je Nte'yam je pyava'nun, ve'em xa mitse'e ax jo'n je'e juu v'e vaamp jets ka óyap je'e ve'e je Nte'yam je pyava'nun. **12** Ja Nte'yam, juu' ve'e je pava'nun duyajk jetse'e je jayu dutokimpayo'oy, je'eji tse'e to'k vaamp jets pan pan jatye'e najkx jyoojntykindini xä'ma kajx jets pan pan jatye'e najkx chaachpaattini xä'ma kajx. ¿Pants mitse'e mnatyijju jets mitse'e xtokimpayo'oy je viijnk jayu?

Ka'a tse'e nnamyájimjadat

13 Amotunaxta, jyapana miitsta. Mvaandup xa ve'e jets ux^yame'e ukpu kepe'e mnajkxtat jem kajpun kajxm jetse'e jem mtåndat to'k joojnt jetse'e oooy je meen xtumpåktat. **14** Ka'a xa miitse'e xnujávada vintso ve'e kep juu' tyónjut kyótsjut. Ka'a ve'e xnujávada vinxup xaa^j ve'e mjoojntykadat mnaxvijnadat. Ve'em xa uu'me'eda ax jo'n je naxpúxux, vee'nji tse'e y'it jetse'e tyókini. **15** Ñojk'óy xa ve'e jetse'e jidu'um nva'numdat: "Pan vaamp xa ve'e je Nte'yam, joojntykimdap tse'e jetse'e nto'numdat to'k viijn ukpu jado'k viijn." **16** Ax mnayájijidup tse'e. Ka'a xa je'e ve'e y'oya ku ve'e ve'em xtonda. **17** Je'e kajx tse'e, je jayu juu' ve'e dujanuja'vip ti ve'e oy jetse'e

dutónut, jetse'e ve'em dukatún, tokintoompts je'e ve'e.

5

Je kojtsvíjin je'e kajxta pan pan jatye'e kumeenda

¹ Va'an tse'e duya'axta pan pan jatye'e kumeenda, va'an tse'e dutsaachvinmáyda je tsaachpaatun kajx juu' ve'e tukkadaakjidinup. ² Juu' xa ve'e jyayejptup, ve'emts je'e ve'e ja ja Nte'yam vyinkujk ax jo'n kuyvintokikajxni jets ax jo'n je vit je xox juu' ve'e je totuk tudutukka'yikajxni. ³ Jets je oro meen je plata meen juu' ve'e jyayejptup, yaknuke'xnatákapt je'e ve'e jets ka'a je'e ve'e y'oya juu' ve'e tyoondup. Ve'emts je'e ve'e je myeen ax jo'n kuy'aa'tsni, jetse'e je uu'ts kuy'it ax jo'n je jaajn juu' ve'e je chu'uts duyaktooyop. Ta tse'e ooy je myeen jets je pyaamduk dutumpakmokta; ax táminup tse'e je itakax. ⁴ Ka'a tse'e dumujooydi je toompatajk juu' ve'e dupakmojktu je trigo tajjm. Va'an tse'e je kumeen jayu du'amotunaxta vintso ve'e je toompa ñu'aa'najada. Ax kats'amotunajxjudupts je'e ve'e je Maja Vintsán, juu' ve'e nujom duka'mikajxp. ⁵ Ooy tse'e je kumeen jayu dutuntukxoondukta yaja naxvijnit itukujx jetse'e ooy dutunjayepa juu' ve'e chojktup. Ve'em xa je'e ve'eda ax jo'n je tsapkaaj juu' ve'e ja jayu yakyee'kp jetse'e duyak'aa'k. ⁶ Tyokimpaamdu xa je'e ve'e je jayu juu' ve'e katokintoondup, jetse'e duyak'oo'kti, ax ka'a tse'e cho'oxpajkjidi.

Ku je jayu dumuténada juu' jetse'e chapkotsta

⁷ Je'e kajx tse'e, utsta jachta utsta tsə'ada, muténada juu' van'it paat ku ve'e je' Maja Vintsán myiinnuvat. Yakkópkada vintso ve'e je yoova toompa du'a'ix ku ve'e je trigo je tyajm duyakjeja, y'a'ixpts je'e ve'e ku ve'e tyo'ukva'añ jets nay ve'empa ku ve'e je pooodun ñaxy. ⁸ Nay ve'empats miitse'eda, muténada juu' jaty, je xoojntkun maat tse'e x'a'íxtinit je Maja Vintsán, kux táminupe'e je xaaj ku ve'e myiinnuvat.

⁹ Utsta ajchta utsta tsə'ada, ka'a tse'e to'k jado'k xpakótstat, ve'em tse'e je Nte'yam mkatokimpayo'oyjadat je'e kajx. Támani je'e ve'e ku ve'e je jayu dutockimpayo'ynit. ¹⁰ Jaa'myétsta je Nte'yam je y'ayook kojtsnajxpatajkta. Mnuja'vidinup xa ve'e vintso ve'e juu' jaty dumuténidi ku ve'e chaachpaatti. ¹¹ Ve'em xa uu'me'e nja'vimda jets xoon je'e ve'eda pan pan jaty'e dumuténidu je tsaachpaatun. M'amotunajxtu tse'e vintso ve'e je Job je tsaachpaatun dumuteni jets mnua'vidinupts miits je'e ve'e vintso ve'e je Nte'yam je maa'yún tyo'nuxji ku ve'e je tsaachpaatun duyaknajxy. Ñu'ixkadaakypts je'e ve'e je Nte'yam je jayu jetse'e ooy je tukmo'tun dütunjayep. ¹² Utsta ajchta utsta tsə'ada, ax juu' tse'e dunuvinkopkikajxp, ya'ats je'e ve'e: Ka'a tse'e je Nte'yam xyaknáxtat. Ka'a tse'e je tsapjootmit it xyaknajxtuvat, ka'a tse'e ya naxvijnit it xyaknajxtuvat, ni ti viijnka tse'e xkayaknajxtuvat; ñojk'óye'e mva'andat "ve'em" juu' ve'e ve'em, jets "ka'a" juu' ve'e ka'a. Ax ve'em tse'e je Nte'yam mkatokimpayo'oyjadat je'e kajx.

¹³ Pan jem xa ve'e nuto'k miitsta juu' ve'e tsaach-

paatp, va'an tse'e d̄utsapkatsu. Pān jem tse'e n̄uto'k miista juu' ve'e xoojntkp, va'an tse'e je Nte'yam duvin'uvu. ¹⁴ Pān jem tse'e n̄uto'k mitsta juu' ve'e pajkjup, va'an tse'e d̄uvatsavu pān pan jatye'e d̄unuvinténidup je jaanchja'vivatajk, jetsze'e n̄utsapkótsjadat, jetse'e je pa'am jayu je olivos aceite yakpāajmjat je Maja Vintsán kajx. ¹⁵ Ax je n̄utsapkojtspada, pān jyaanchja'vidupe'e jets je Nte'yame'e duyakjotkada'akup ja pa'am jayu, jotkāda'akupts je'e ve'e. Ax pān tokintoonts je'e ve'e je pa'am jayu, tokinmee'kxjupts je'e ve'e je Nte'yam. ¹⁶ Je'e kajx tse'e, namuy-mavyátsjada vimpit atuj jets nañ̄utsapkótsjada, ve'em tse'e mjotkāda'aktat. Ku ve'e je jayu chapkats juu' ve'e tuv jáyuvip joojntykip, ooysts je'e ve'e tyuntún. ¹⁷ Vanxup xa ve'e je Elías jyáyuviva jyoojntykiva y'ijt ax jo'n uu'mda. To'k aaj to'k joqt tse'e chapkajts jetse'e kyato'ojut, ax ka'a tse'e tyuuj toojk joojnt jagojkm. ¹⁸ Van'it tse'e chapkojtsnuva, jetse'e makk tyuntuuj jetse'e je naax duyakjájinuva je tukjoojntykin.

¹⁹ Utsta ajchta utsta tsa'ada, pān jem xa ve'e n̄uto'k miitsta juu' ve'e je Nte'yam je tyoo' dumasookp jetse'e jado'k tyuk'avimpítaja, ²⁰ va'an tse'e d̄unujava jets je'e juu' ve'e to'k je tokin toompa je Nte'yam je tyoo' d̄utuk'avimpijtip, tyuknuva'atsupts je'e ve'e je tokin toompa je tsaachpaatun juu' ve'e xa'ma kajx ijtnup jetse'e je Nte'yam myee'kxuxjut may je tyokin.

**Ya'a tse'e je nam kojtstán juu' ve'e je
Nte'yam_ xyaktaajnjimdu je nMaj
Vintsánamda Jesucristo kajx
New Testament in Mixe, Totontepec (MX:mto:Mixe,
Totontepec)**

copyright © 1989 Wycliffe Bible Translators, Inc.

Language: Totontepec Mixe, (Mixe, Totontepec)

Translation by: Wycliffe Bible Translators, Inc.

Mixe, Totontepec [mto], Mexico

Copyright Information

© 1989, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Totontepec

© 1989, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 11 Nov 2022 from source files
dated 29 Jan 2022

47d09f80-22d6-55c5-b9e5-a04a59e3169e